

四庫全書

史部

欽定四庫全書

史部

萬壽盛典初集卷一百四至
六

詳校官宗人府府丞_臣富光鼐

編修_臣程嘉謨覆勘

總校官知縣_臣楊懋珩

校對官中書_臣王鍾泰

謄錄監生_臣畢所誦

欽定四庫全書

萬壽盛典初集卷一百四

歌頌四十四

外任諸臣

萬壽詩

七言律八首 附詞八闕 并序

廣西巡撫兵部左侍郎兼都察院右副都御史臣陳元龍

臣聞乾坤健順用直履疇於無疆河嶽高深爰

亘古今而獨久惟

聖人能參天兩地作配三才斯

盛朝之福海壽山遠超百代駕羲軒而軼堯舜治隆則
歷數增長光日月而麗星雲道盛則神人胥悅
大聖為生民所未有遐齡亦前史所希聞喜效嵩呼歡

騰華祝欽惟我

皇上

照臨如日

悠遠同天

文武聖神眷命隆於四海

淵泉溥博聲名施及兩間五十二年以來莫罄

豐功偉烈千八百國之內胥蒙

厚澤深仁久於其道而天下化成於萬斯年而四方

來賀出日無雷之域皆能效舞蹈於梯航流虹

繞電之辰無不致岡陵於頌禱況天南州郡在

幅員萬里之中嶺外臣民實宇宙一家之近固

宜樂舒長之化日慶福履於光天喜值三春恭

逢

萬壽紀

奠堦之寶歷甲子初周仰

楓陛之昌期春秋方永惟道建中和之極而手操氣
數之權所以受天百祿罄無不宜垂拱萬年必
得其壽乘乾體艮

天子方行春令而受朝就日瞻雲羣下皆近

天顏而致賀臣夙叨侍從今任封疆祝

釐維有歷年戀

闕更無虛日在粵右已兩逢

聖誕未能趨

黼宸而頌九如與闔省之百職庶司今且就湘山而祝
萬歲自大小之僚吏暨漢土之士民無不誠忭誠懽稽
首頓首呼聲動地五嶺皆聞翹首瞻

天三江竝集足驗王民熙皞偕遊仁壽之天所祈

聖體貞恒永享靈長之祚臣殫抒愚悃撰就律詩八首

博採衢謠譜為詞調八章既詠且歌繕冊以獻

情虔志切謹當十屋之籌語複辭真廣被

萬年之頌云爾

斗樞電繞大虹流

聖節長生古莫傳六十肇端環甲子八千分歷紀春秋
華封豈但三多祝海甸皆為

萬歲謳炎徼承

恩今最久呼嵩聲已達

皇州 其一

兩儀和樂四方寬

聖主乘乾久治安寶祚延長超史冊慶雲綿亘擁

朝端長庚太乙三垣拱

周甲靈辰萬國歡海內彭錢能上壽年年斟雉到

金鑾

其二

寶厯今逢五十餘

盛朝功德不勝書天垂象緯真相配史頌勲華總未如

千聖集成超

帝極百靈羅列拱

皇輿太和元氣熏蒸久大地同春化日舒

其三

蠲租賜復

沛溫綸浩蕩

恩波處處春六合盡為仁壽域萬年總是太平人遐陬

樂歲占豐稔野老齊聲頌

聖神蒼昊亦知宣

帝力五風十雨四時勻

其四

聖世菁莪教澤新栽培多士慶逢辰高明惟久能成物
壽考於今更作人四序春秋添俊乂兩途文武入

陶鈞十年一舉垂無極

萬壽皇科萬代遵

其五

太和宇宙太平時悠久

宸躬集罄宜天歷周環交癸甲海籌重疊轉千支

慈宮上壽春俱永

皇極稱觴福更綏乾健從來行不息萬年

鴻號紀康熙 其六

聖朝盛德駕陶唐
黨莢春榮歷數長
太極紫垣臨七曜

仙人神鼎獻三漿

鴻圖輦處齊天永

戩穀多來借海量
復旦光華瞻不盡
年年變契費賡

颺 其七

端拱垂裳萬國欽

九重閭闔慶雲深
梯航共賀

長春節舞蹈俱呈捧日心

螭陛風和卿士繞龍爐香暖

聖人臨

微臣

嶺外瞻

天遠願奏嵩呼入舜琴

其八

附獻詞調八闕

浩蕩

沛恩波普天同潤嶺表遙霑數州郡四方風動競獻芹

私葵悃瞻雲呼

萬歲歡聲震

南極騰光西陲效順盡道

今皇勝堯舜唐虞之世吾粵平章無分車書今一統長

安近

右調感皇恩

鳳宸當陽莫堦紀歷殿上仙桃醉春色欣逢

萬年天子壽歡呼萬國衣冠集

壽無疆壽無量乾坤匹永永幅員為樂國永永太平

如磐石永永臣民受

恩澤當今

聖人天所命自從開闢誰能及邁三皇駕五帝居其極
右調千秋歲

康熙御極五十二年春王三月十八

萬壽聖人生日干支轉花甲喧

皇會環

帝闕賀

六十誕辰時節載陽晴晝永宮花御柳齊發
疇昔記

時巡駕幸燕齊秦晉暨吳越布得陽和滿地

恩膏最遼濶

神京遠唯百粵也戶戶沐

恩天末到今日競歡呼

皇帝菩薩

右調應天長

天子正當陽六合呈祥瑞到處熙熙皞皞太和元氣恭

逢

萬壽永遠昇平世風雨調日月華天地位

龍飛九五甲子循環起

聖子神孫上壽百官齊侍稱觴舞蹈仰識蒼天意佑

吾

皇享遐齡億萬歲

右調千年調

聖壽齊天看春光每年尤盛三月化日舒長浩蕩太平

民物處處蒿呼

萬歲慶繞電流虹嘉節今年是花甲初周比常加倍歡
悅輪流歲租免納又開科曠典杏桂齊發海
樣

恩波沁入士民心骨無限青山綠水滿地是太和團結
遐陬外遙仰

宸躬一尊無量壽佛

右調萬年歡

粵西州郡春光徧歡呼

萬年天子海宴河清天高日朗極盛古來無比明良喜
起是堯舜當年差相似耳還遜

熙朝竝無十日九年水 揆文兼重奮武更移風易俗

東漸西被商旅塗歌士農興誦真是淪肌浹髓
神京萬里聽部屋茆簷頌揚

丹陛壽與天齊自今六十始

右調齊天樂

天子御極聲名徧蠻貊率土普天久已偕登太平衽席

願得每人持一歲共添助

九重鴻厯使年年壽與山高福如海溢 能上律兼下

襲從六十至千億似乾健天行話長生總是個

至誠無息何必麒麟鳳凰見勝似河圖洛書出自地闢

天開未有如

今日

右調帝臺春

上古羲軒中天堯舜後來神禹成湯聖人代起

誰能學得

今皇配著高天厚地一般覆載等悠長承平久

天顏喜悅

聖體安康 五十二年之內記

鴻功碩德毫管難詳從今伊始年年

端拱垂裳使我子孫黎庶大家接續看禎祥

恩深處人人頂祝

萬壽無疆

右調慶清朝

萬壽詩

七言律一首

候補捐工叅議臣任三益

華燈照徹鳳城邊
動地歡呼列絳仙
海屋晴霞鋪禹甸
蓬萊佳氣布堯天
東皇日暖春三月
南

極星明

壽萬年幸際昇平多樂事

恩波流出總潺湲

萬壽詩

七言律六首
有序

原任江南蘇州府知府

臣陳鵬年

臣聞召奭矢音不忘祝嘏相如報國惟有文章
當虹流電繞之期正華祝嵩呼之日長懷蟻悃
敢効蟲吟欽惟我

皇上

乾行不息

坤應無疆

春秋億萬歲而花甲甫周

宵旰六十年而

龍顏愈渥昨者海屋籌添先自運中而得世今者椿齡

歷永更從貞下以起元譬若丹青日麗周天既

徧而復起扶桑亦如紫極辰環次舍全臨而再

回星紀俾爾熾俾爾昌百福悉從於幾式莫不

興莫不庶九如難罄其形容四方抒來賀之忱

萬國同媚茲之戴至若臣者蠕動無知罔識天

高而地厚枿生重肄幸逢春育而陽嘘

殊恩欲報以無從

至德難名其奚自不揣固陋敬製蕪辭豈曰卿雲作頌

用申拜手之思聊願天保陳歌竊附介眉之意

云爾

斗樞再繞闕逢辰

聖主當陽景運新
莫朔纔經二萬葉
椿齡未老八千春
仰瞻雲日光華盛
近接蓬萊道術真
無限鶯花

煩點綴普天同是奉觴人 其一

昨年

壽域自天開
謔譯共球萬國來
五色歲綈開陸海
九衢呼拜響春雷
西山瑞靄神山似
上苑奇珍閬苑猜
此日小臣重得見
擬將詞賦問鄒枚 其二

解澤旁敷似海深
萬方同此祝釐心
聚觀五老浮河至
散作三農擊壤吟
竝穗嘉禾登繡陌
連房芝草擢瑤林
禎符協應天人際
申錫

無疆始自今

其三

南山稱祝總尋常

聖德如天報未央
開闢乾坤同太極
主持元會邁三皇

承平日久人皆壽
熙皞風成物共昌
不用華胥

誇入夢

萬年端拱見垂裳

其四

保泰持盈宵旰并

怡顏有道自長生
不須函谷逢關尹
何用崆峒問廣成

玉液人間持作酒青雲天上列為城試看紫極

中環處獨有長庚亘古明

其五

九天雨露總無私枯朽重生分外奇弱草仍依

三殿樹寸心長捧

萬年枝徧教螻螳含元氣得伴鵷鸞振羽儀剩有微軀

無處報盆香虔祝太平時

其六

萬壽詩

五言排律一百韻

原任江南常州府知府臣章文鏞

聖祚山河輦

鴻禧日月長三才中建極五位正當陽

乾德真施溥天行本自強謳歌同寓甸福祿眷穹蒼
渚虹流瑞璫樞電繞光應期開太皞凝錄誕軒
黃智勇超神授經綸運斗綱續圖輝

列祖奠鼎撫羣方悠久龍編遠和恒鳳歷昌

六旬周甲子

萬壽介春觴式慶逢

熙運純綏仰

聖皇貞元綿氣化宥密慎幾康神契苞符外心周亭育

旁

郊丘躬裸獻柴望肅肅鄉迓福霑黎赤孚誠若雨暘
三朝尊寶訓六典播藝章適駿維增廓丕承祗覲揚
彤幃怡色養綵輦恪扶將長信供雕饌

慈寧饋玉漿慶霄方霑郁愛日亘輝煌豫順諧

親志詒謀發後祥

皇庥滋莫紀

睿學較難量析理綜千聖垂文綴七襄出言調玉律修
德琢金相道闡義文奧儒嚴鄒魯坊圖書蒐秘
閣典禮振膠庠論史三墳彙陳詩六義張羣言
傾液潤百氏掃秕糠夙讚文敷懿還徵武奮剛
運籌深

翠幄建策固金湯蚤遏滇黔孽旋除閩粵瘍驚波寧負
險鯨海敢披猖北討俄平羯西征遠服羗雷風

馳虎旅冰雪驟龍驤
橐駝函三畧懷柔靖八荒
劍聲銷玉壘弓影掛扶桑

端拱侔真宰

時巡契昔王省方明黜陟諮野駘凶穰

神畧勤疏壅洪波立障狂川平侔禹鑿坎順飭冥匡瓜

蔓流無墊桃花水不颺投匭異瓠子沉璧陋宣

房廣堰栽高柳淤田裕宿梁源澄九曲帶瀾靜

一葦航

動念關黎獻

勞心自廟堂誠求真若保佑冒總如傷貢篚憐操袖登
禾憫插秧十千均罷稅億秭屢蠲糧賑贍開中
帑常平設義倉均輸通市貿轉運駕舳舻物阜
滋連穗年豐愜滿箱男耕欣比耦女織効携筐
解網宏三面寬刑宥一創命官詳聽棘勅吏徧
栽棠春藹圜扉草宵停貫索芒雞竿嘗耀日狴
犴早融霜雅化薪樵盛昌期莪棫芳名科增甲

乙儒彥廣宮牆

紫詔新頒殿丹苞迥翹岡桂叢舒暖律杏宴發秋香選
俊收瑚璉呈材備杞樟演疇歸正直習禮範康
莊魏煥尊無上謙沖凜未遑鴻名辭顯鑠公聽
杜愆忘積致禎符萃洪敷

邳治彰岡陵彌益算雲日夏垂裳彪虎聯班序夔龍拱
御牀官僚欽濟翼耆艾効匡勦紉縵華暉荷零渥甘露
灑共球豐咎錫琛獻徹琳琅西旅逾葱雪東鯁

泛碧滄島寧來卉服苗格拜奇裝異羽供馴雉
名駒進驕驕雕盤珍赤豹春酒饌黃羊鎬飲逢
嘉樂萊篇嘏壽臧巴童歌雋楚邠叟詠甘涼載
德齊歡忭銜膏更激昂普天瞻象魏率土拜巖
廊溫樹連重翠宮花匝萬行嵐光明繡纈泉液
汎銀塘碧綴千年實香生九節菖

御酺羅鼎鼐廣樂奏笙簧釐祝輿情翕尊年

聖澤汪躋陪延耆老宣勸

命天潢鮑背分千列
厖蒼序兩廂
海仙輸巨棗
河伯獻華魴
法醞黃金醴
殊珍白玉肪
國耆深醉飫
野老得欣賞
既飽天厨饌
尤霑太府藏
朱提溢璆貝
錦段映珩璜

大賚敷天浹
弘仁九野滂
寵逾分玉杖
光渥賜珠囊
睿祉占靡極

皇圖卜未央

微臣

蒙覆載

大德沐汪洋
昔綴羣僚末
嘗陪列署郎
心依

雙闕下職忝五湖鄉謏劣叨矜宥卑跼切感惶承
恩慚報稱祝

聖肅趨蹌螽蟻膺孳育寰瀛荷壽慶願隨儀舞後稽首

頌無疆

萬壽詩

七言律一首
有序

原任浙江溫州府同知臣徐益哲

臣聞大德必壽萬年歌有道之祥景福如天四
海獻長生之頌黃流注於玉瓚福祿攸宜白環

來自瑤池禎符協應欽惟我

皇上

中和建極

功德兼隆

文武聖神邁古今而首出

高明博厚配覆載以無疆申

永命於穹蒼重開甲子之歷慶三多於盛世適逢癸

巳之年固已喜溢寰區歡騰率土矣臣葵藿為

心犬馬同戀深懷日升月恒之祝不盡天長地久之情伏願

純禧永享

耆壽益綏

八千歲為春秋歷耄期而不倦

億萬年奠乇宅廣保定於靡涯臣無任踴躍歡忭之至

春臺喜氣動民情

聖壽無疆宇宙清大地風光永道泰中天膏雨對時亨

詩書振起千年運禮樂彰為百代程自此霑

恩靡有已稱觴歲歲樂昇平

萬壽詩

七言律四首有序

福建福州府海防同知臣沈宗敘

欽惟我

皇上功高五帝德邁三王納萬國以咸寧登兆民於仁

壽欣逢

聖誕率土歡騰

微臣

宗敘昔充鳳閣清班今廁海疆下

吏幸隨貢賦得近

闕廷跪瞻

華渚飛虹快覩

堯天介壽

巍巍至德莫罄贊揚渺渺微臣奚容稱頌惟是臣父詹

事臣全仰荷

聖慈龍章疊錫

臣

弟編修

臣

宗敬更蒙

天眷久附鵷行世受

殊榮涓埃莫報一門席

寵總在

天高地厚之中薄海呼嵩曷勝抃舞謳歌之願敬賦近
體四章以誌萬年盛事

華渚瑤光照萬方時逢清宴慶無疆普天黎庶
歡聲洽大地山河瑞靄彰城闕春風舒錦繡野
田膏雨徧農桑

小臣

此日何多幸拜舞蒿呼達

建章其一

九重深處

沛恩綸解網蠲租更作人
細草新花增景色和風湛露
被陽春歡呼巷陌歌還舞
瞻仰義皇壽益仁久
道化成真

盛治慶雲爛熳照芳辰

其二

殿前獻壽禮崇隆
鳩杖龐眉謁

帝宮葵藿微誠依日月
圖疇嘉瑞勝崆峒
千官式序趨

蹌肅萬國朝宗仰望同天保聲中看舞鳳細聽

九奏頌膚功 其三

聖世欣逢喜氣偏承

恩曾傍五雲前螭頭日上瞻堯厯雉尾風來鼓舜絃忝

列分符供外吏幸隨貢賦近

高天一門戴履真難報願借南山祝

萬年 其四

萬壽詩 五言律二首

候選州判臣俞忠謨

垂裳乘景運

御世惕宸衷日正來靈鳳天高度玉虹曉煙隄柳翠甘

澍露桃紅歲歲韶華好民多擊壤風

其一

玉殿垂旒日黃星出現年甘泉涵

聖澤溫室對虞絃綵燕翻珠綴宮花隱瑞煙

皇仁原自渥咫尺戴

堯天

其二

萬壽詩

七言律一首

候

選

通

判臣陳世增

和風披拂景暄妍萬彙爭舒

聖主前宮柳綠飄迎鷺侶林花紅放耀龍旂

綸書特下恩波暖藥榜新開桃李鮮

曠典幸逢堯舜世熙熙化日不知年

萬壽詩

五言排律八韻

原任順天府懷柔縣知縣臣林元桂

六合同風日修齡紀大椿祥光呈

鳳闕紫氣繞

楓宸春酒堯尊獻工歌舜樂陳衣冠忻拜舞筐篚貢

奇珍

澤沛寰區徧蒿呼率土親彼蒼蒼有德維

帝念安民蕩蕩遵王路巍巍仰

聖人無疆祝

萬壽保佑自天申

萬壽詩

七言律一首
有序

新授福建漳州府龍溪縣知縣臣吳元豐

欽惟

皇帝陛下

健體天行

德符坤載

仁風普被萬方莫不尊親

愷澤覃敷九有咸深愛戴

鴻禧丕懋山陬海濱人人祈

天子萬年

景運聿新白叟黃童念念祝

一人有慶茲值陽和令月恭逢

聖誕良辰瑞氣霽

龍樓初周花甲祥光騰

鳳闕永慶天長稷契臯夔齊列堯階而介

壽要荒侯甸均歌舜樂以稱觴海屋壽添億萬祺年豐

人壽瑤池桃熟千百國巷舞衢歌率土騰歡普

天稱慶

微臣

泰養日深纖埃未報久沐

恩波忝竊八年珥筆新承

雨露謬膺百里花封思進九如之章賡颺

玉陛願效三多之祝拜舞

彤廷敬賦俚詞仰希

睿鑒

聖人有道正當陽瑞靄祥雲繞建章景福咸歌同嶽峙

遐齡共祝與天長
千官抃舞金甌輩
萬國歡呼

玉曆昌幸沐

恩波隨鷺序巍巍

帝德壽無疆

萬壽詩 七言律一首

新授廣東肇慶府廣寧縣知縣臣鄭 韻

萬年桃實始開花
甲子周時

壽正加蓬島初生仙
李核瑤池剛發大椿芽
車書大地

朝

丹闕日月中天燦錦霞亘古一人惟我

后虞廷應不數重華

萬壽詩

七言律一首

新授貴州安順府安南縣知縣臣范聖文

嵯峨

雙闕瑞煙濃
拊舞蒿呼徧
宇中玉液光
分椿樹綠蟠

桃色映

御筵紅歷從花甲開洪運健比天行頌法宮此日拜颺
歌

主德

萬年仁聖幸躬逢

萬壽詩

七言律一首

新授廣東廣州府新寧縣知縣 臣 鄔維新

巍巍至德邁陶唐運會方新寶歷昌四海文明安且治
九重仁聖壽而康金樽瓊液長庚酒玉冊琅函景福章

寸草春暉慙莫報天長地久戴

君王

萬壽詩

七言律一首

新授直隸順德府鉅鹿縣知縣臣秦培

億萬斯年祉錄新千官拜舞集重闈貞元遇合
時方泰景象雍和物盡春珠樹傳燈連繡陌錦
圍成市接

丹宸身依蓬島欣瞻仰幸沐

恩波及

小臣

萬壽詩

七言律一首

新授福建漳州府詔安縣知縣臣許懋德

樂愷頻歌徧萬方欣陳天保進堯觴魏魏蕩蕩

乾坤大歲歲年年日月長覆載有心綿歷數山

河無物不芬芳

小臣

稽首懽騰甚願獻三多

帝座旁

萬壽詩

七言律一首

新授山西平陽府岳陽縣知縣臣鄒宏志

盛朝寶歷正繁昌

帝德巍巍冠百王

澤沛萬方霑惠雨歌傳三祝慶

垂裳氤氲瑞結乾坤永駘蕩春融日月長繞電流虹花

甲麗普天懽頌

壽無疆

萬壽詩
五言排律十二韻

新授廣西陽朔縣知縣臣方任

帝啟中天運維

皇建極年咸池升日馭黃道祭星躔

至德方乾健

神功法斗旋三朝昭

聖孝八蜡致

躬虔旰食因求瘼旁搜貴得賢車書同絕域禮樂彙前

編

宸翰披縑灑奎章礪玉鐫

廟謨宏遠畧勝算拓窮邊王道平平候堯民皞皞天南

山高捧日西極近浮煙擬獻封人祝慚陳下里

篇欲知

無量壽應與佛齊肩

萬壽詩

五言排律十二韻

新授福建建寧縣知縣臣章全人

天地人皇紀都歸

萬壽年百齡扶杖至八表貢琛前齊執香花祝爭求碑

碣鐫

聖人謙不受臣子請彌堅功德稱堯舜神仙數倕佺何
如

無量佛高拱大羅天壠秀三岐麥池開九品蓮太平時
有道熙皞本無邊不見耕牛喘長看戰馬眠甲
科還特設丁賦已輪蠲比戶登仁壽羣工荷保
全

皇慈何以荅寶祚祝綿綿

萬壽詩

七言律一首

候

選

知

縣臣吳顧行

虹流電繞正春陽萬姓羣稱

萬歲觴動地謳歌齊獻祝普天膏露亦呈祥千門縟采
迎朝日九陌和風拂

御香何幸

小臣

逢

曠典得隨野老奉壺漿

聖壽萬年頌

有序

候

選

州

判臣徐元璵

欽惟我

皇上德竝清寧功符易簡經天緯地備聖神文武之全
咸五登三建正直蕩平之極用能神庥感召羣
卜享祚綿延慶

天子以萬年普天嶽頌占一元之復始動地蒿呼
統御遐陬合千八百國咸登壽域

欽定四庫全書

欽定四庫全書
卷一百四

三

乘乾立極歷五十二載盡入春臺輔相裁成補造化所
不逮博施濟衆實堯舜所未能省刑之詔頻頒
湯網開而萬家見日蠲賦之書屢下虞絃奏而
大地生春問俗省方用登斯民於衽席平天成
地悉本

聖主之綢繆奮六師以靖邊陲烽煙永息震一怒而安
天下苞蘖俱消將士遄征感深挾纘關津利涉
澤逮牽車凡茲

帝德高深莫非

皇仁浩蕩抑且

陟園丘而主鬯必躬必親

歷長白以薦馨致誠致慤

臨雍尊聖

鑾輿增闕里之光廣額求賢鳳羽振高岡之采

煥天章而敦士習言言玉振金聲

頒宸藻以示官箴字字珠聯璧合雖已治而思治況日

欽定四庫全書

詩經
卷一百四

三

新而又新學海汪洋覺金匱藏書之未富筆花
璀璨笑蘭亭禊帖之非珍攷之史冊昭垂巍巍
莫竝合諸臣工頌禱蕩蕩難名敬集經史陳言
用誌

岡陵大慶爰稽首拜手而獻頌焉頌曰

春王三月長發其祥保佑命之其道大光

聖敬日躋協和萬邦百福是荷

萬壽無疆

聖壽也

右頌

誕敷文德清明在躬行健不息允執厥中光被
四表福祿攸同令德壽豈永世無窮

聖德也

右頌

徽柔懿恭德音是茂亦右

文母遐不矜壽純嘏爾常亦孔之厚永言孝思保艾爾後

聖孝也

右頌

振民育德濯濯厥聲布昭聖武赫赫厥靈允文

允武克寬克仁萬邦為憲永觀厥成

右頌

聖化也

立政立事所其無逸維時維幾祇敬必飭論道

經邦萬邦作式氣盛化神世世享德

右頌

聖治也

溫恭朝夕克廣德心緝熙純嘏日新又新多材

多藝是訓是行克明峻德展也大成

右頌

聖學也

奄有九有地平天成保合太和爰及矜人

帝命率育

皇心則寧錫茲介福懷柔百神

聖功也

右頌

獎順天則元亨利貞時雍風動澤潤生民小大
稽首以事

一人

天子萬壽壽考且寧

右頌

聖恩也

萬壽詩

七言律一首

新授浙江紹興府會稽縣縣丞臣吳學禮

九州玉帛輳神臯瑞靄氤氲集

袞袍治洽四靈來

上苑雲呈五色拂旌旄

彤廷共進瑤池酒

御宴同餐金母桃此日天心申薦祐臣民萬載沐

恩膏

萬壽盛典初集卷一百四

欽定四庫全書

萬壽盛典初集卷一百五

歌頌四十五 武職諸臣

萬壽詩 七言律八首

侍

衛臣楊凱

萬年歡慶永垂衣四海謳歆集

帝畿仙仗早排雙鳳舞彩雲時護

六龍飛琪花夾路連青瑣瑶草當階向

紫微聲教覃敷由

聖武懷柔到處樂瞻依 其一

萬象雍熙雨露新河山一統布陽春長瞻紫氣
光

南極共挹瓊漿壽

北辰淑景移時傳大溥

御筵開處肅鈞陳稱觴舞鶴連翩至絳老齊來祝大椿

其二

萬民愛戴競嵩呼航海梯山謁

帝都三面網開頻赦罪

九重詔下屢蠲租生成高厚同天地組繡街衢儼畫圖

採得紫芝堪獻壽丹砂騰瑞滿金爐

其三

萬國同風德化成

恩膏猶自沛民生

省方屢見泥封降

問俗頻煩翠輦行粟發

天倉充玉粒

澤施湛露足金莖黃童白叟歡無極騎竹扶鳩賀太平

其四

萬幾時暇煥天章

宸翰生輝御墨香筆挾蛟龍騰錦繡詩成珠玉富縹緗

千門日暖煙雲麗三殿風和日月長

制誥典謨垂不朽鳳凰池畔進霞觴

其五

萬方玉帛會

彤廷鸞珮鏘鏘列

紫局薄海咸寧歸

聖治與天齊壽祝

昌齡千條細柳飄

丹陛百丈喬松映翠屏宴樂已深魚在藻九州照耀

老人星

其六

萬類霑

恩大化周飛潛動植庇

洪庥貢來筐篚丹霞燦集得共球瑞霭浮

宵旰千年調玉燭乾坤一統奠金甌須知

仁壽高今古惟有唐虞尚足儔

其七

萬壽無疆頌

聖君階前舜樂動南薰青龍天矯盤雙闕黃鶴蹁躚出

五雲大地祥光時繚繞上林佳氣日氤氲蟠桃

花發春風裏曲奏鈞天次第聞

其八

萬壽表

壬辰科分撥八旗武進士臣萬國寧等

伏以

一人有慶敷天同景運之隆

萬壽無疆寰宇衍昇平之福

金鑑懸於黼座日映金莖

玉衡奠於泰階春綿玉厯縫掖與韜鈴竝奮霍葵與

芹曝同傾望闕雲翔呼嵩雷動

臣等誠歡誠忭

稽首頓首上言欽惟

皇帝陛下

天亶神靈

首出庶物

虹流華渚占瑞應於高辛

電繞斗樞集禎符於軒帝仰

聖孝則尊養兼隆慶叶於

慈寧長信煥

宸猷則作述竝茂光照乎東壁西園翕河喬嶽沛膏雨

於時巡平地成天利隨刊於億載職方作貢不
遺乎銅柱珠崖王會陳圖遠暨乎金城玉塞廣
桂林杏苑之英探玉海珠淵之秘期門羽林之
士亦得觀聽園橋中達鬼置之夫竝許觀光場
屋仰

聖主之偉德豐功無非衍慶凝休之自蒙

國家之深仁厚澤總是祈天永命之基是以數應昌
期天開壽域歲德在癸五行遞獻其休嘉月令

方春萬物正當夫和會

御宇歷五十二年之久如日方升

聖誕逢六十萬壽之期普天同慶山韞海譯萃萬國之
衣冠雲燦星輝啟千門之閭闔花凝湛露競舞
堯階草帶春暉齊瞻舜日疏仡循蜚而下千古
未逢雲司鳥紀以還百王莫尚臣等才疎豹畧
幸與鷹揚際

聖世之修文偃武已能脫劍而韜戈遇

盛朝之久道化成竊慕敦詩而說禮幸際太平之日可
無頌禱之詞是用恭進

壽詩仰邀

聖鑒窺蠡測管何有當於

高深向日傾陽聊以申其忠愛伏願

疇陳五福

雅奏九如

集帝王未集之嘉禎以萬紀年以百紀世

開宇宙未開之鴻圖與天同運與地同貞從此果獻

安期桃供方朔雲開青鳥非止器車澤馬之祥

書吐玉麟永徵海晏河清之瑞矣臣等無任瞻

天仰

聖踴躍懽忭之至謹奉

表稱

賀以

聞

萬壽詩

七言律各一首

武

進

士臣萬國寧

寶歷膺圖壽域長太平有道慶

垂裳梯航一統尊

王會劍佩千官列建章五色雲開閭闔曉九霄曲奏鳳

麟翔駐顏無事崆峒訪化洽虞廷德邁唐

武

進

士臣岳昊

紫雲縹緲護

天顏海宇春深歲月閒大小共球來下國百千玉帛會

塗山巍然

帝德無能頌穆矣

皇風孰與班自是華封人善祝願賡甲子紀循環

武

進

士臣羅兼能

日麗堯階祝

聖人普天同慶太平春四時好景當三月

萬壽霞觴正六旬蓬島神仙朝

玉座天街歌舞洽芳辰韜鈴幸與冠裳會願效華封頌

大椿

武

進

士臣徐家騏

四海昇平久化醇巍巍覆載徧

深仁道隆虞夏心源遠學貫羲黃德業純茲榜重開多

士喜國租全免萬方春

微臣

際此歡無極願效

嵩呼祝

聖人

武

進

士臣袁宏譽

鳳城春暖紫雲旋濟濟稱觥繞

御筵至德自應凝大寶長生原不學神仙三多作頌周

華界

萬歲呼嵩震嶽巔寰宇已臻仁壽域

小臣

稽首樂堯天

武

進

士臣施嘉楫

盛朝作覩正當乾

聖藻神謨煥九天鶚薦欣開賡

鳳闕鷹揚喜集傍

龍筵莫舒望日看三英柳曳春風拂五絃共仰

紫宸弘壽域年年長耀泰階前

武

進

士臣李師孟

乾德當陽景運隆天開壽域慶時豐九霄仙樂翔威鳳
五色雲車駕綵龍重譯梯航瞻

紫極三春花柳祝華封千秋不用陳金鏡大地欣看瑞

靄重

欽定四庫全書

趙孟頫詩集
卷一百五

九

武

進

士臣左宗魯

春暖鶯花繞建章萬方齊進

萬年觴

恩光與日流輝遠

健德如天被澤長化宇人人歌有慶康衢處處祝無疆

小臣

已洽三多願咸擬新詩作對揚

武

進

士臣張起鵬

春風暖拂萬年枝率土臣民捧壽卮甲子初周

綿

鳳歷卿雲復旦繞

龍墀梯山航海朝

天國舞巷歌衢祝

聖時

帝德無疆同大造呼嵩願獻九如詩

武

進

士臣柴基

鼇禁清和敞

御筵東來紫氣接爐煙萬年

聖壽方周甲八極

皇仁總若天厯數久膺踰亘古版圖無外邁從前春臺

共躋

恩波永率土爭傳三祝篇

武

進

士臣畢宗魯

聖主當陽萬象昌天開壽域悉來王八荒拜舞

天顏近四海謳歌寶籙長文德昭回雲漢曉武功震疊

甲兵藏欣逢

盛世新承寵共效嵩呼祝未央

武

進

士臣王有才

五色雲開麗碧天春回甲子運初旋
梧岡翹羽來三月洛水呈圖祝萬年
冠珮盈廷趨閭苑車書重譯舞瓊筵
草茅下士霑榮寵共沐

恩波到日邊

武

進

士臣章尚桓

聖德巍巍天德同民依宵旰廛

宸衷治逢文武成康世人在雍和熙皞中物阜民安忘
帝力河清海宴頌

神功化霑黎庶偕仁壽歲歲田疇報屢豐

武

進

士臣焦 燾

五雲深處接蓬萊鳳詔銜

恩沛九垓福國有徵皆樂土仁民無地不春臺西池盤
獻蟠桃熟南極星輝壽域開更有作人弘雅化

文經武緯集英才

武

進

士臣馬純士

南極祥雲護

紫宸太平長頌萬年春

盛朝有道兼堯舜

帝德無私集鳳麟神管繁吹連

御苑玉臺高處接仙真梯航共喜瞻

王會日麗風和祝

聖人

武

進

士臣符鎮

菁葱佳氣開南極斂福

皇躬集衆庥佛日喜添新甲子堯年高占古春秋航琛
輦驢同朝會劍佩星冠拜

冕旒犬馬微臣心戀

主嵩呼猶得逐鵷儔

武

進

士臣王鎮維

太平

天子正當陽宇宙雍熙化日長四海堯封霑雨露千秋

禹甸沐

恩光嵩呼共獻南山頌華祝同賡雲漢章荷寵無由抒

愛戴瑶堦惟進

萬年觴

武

進

士臣蔣 騷

堂廉一德慶明良化宇昇平樂未央萬國來朝

爭就日

一人有慶正當陽
瑤池春暖蟠桃熟
上苑風和海鶴翔
聖壽天齊山嶽永
願從鵷鷺頌無疆

武

進

士臣郭士焞

雍熙盛世慶方新
南極星光向

紫宸快覩仁風周
海宇欣瞻雨露徧
黎民

九重福祿歸

天子萬國衣冠祝

聖人恭沐

皇恩無可報年年三月頌長春

武

進

士臣郭豐年

萬年枝上萬年春

萬歲樓頭

萬歲人春到萬年增爛熳

人逢萬壽倍精神萬民鼓腹歡無極萬國來朝慶有辰

此日

聖躬涵萬福三千桃實八千椿

武

進

士臣朱銳

華渚虹流早發祥中天景運際時昌文明治定
超千古武畧功高震八荒南極春星輝

紫禁西清寶翰麗

奎章萬年同進無疆祝率土長瞻日月光

武

進

士臣魏琛

聖主當陽御紫宸蟠桃此日獻方新玉階瑤柱青天色

甘雨和風大地春
東海籌添來瑞鳳
南山樽滿
集祥麟太平盛事流

恩遠萬歲千秋祝

聖人

武

進

士臣朱先甫

聖人天地富春秋
寶曆初逢甲子周
南極祥光凝鳳闕
西山佳氣接

龍樓千州齊頌華
封祝萬國欣瞻海
屋籌獻壽

小臣

常仰戴堯天舜日鎮悠悠

武

進

士臣崔起潛

春深

御苑柳垂青羣捧堯樽祝

大廷自古虎賁曾脫劍於今介士盡譚經泰階端拱千
年

聖玉燭常調萬國寧新進

小臣

何所頌願將

聖壽比椿齡

武

進

士臣金球

花明景淑富春天佳氣葱蔥龍靄

御筵瀛海靈椿多瑞彩滄州紫桂永鮮妍嵩呼有慶三

千國華祝無疆億萬年蕩蕩巍巍

功德茂彤墀敬進九如篇

萬壽詩

七言律八首
有序

總河標下左營卓異遊擊臣費俊

欽惟我

皇上

德合乾坤

恩覃中外

勵精勤於五十二載

開太平以億萬斯年恭逢

聖壽六旬茲當春王三月

龍德正健

鳳曆方新天成地平八表際時雍之運星輝雲爛萬

方慶熙皞之春

道統接乎唐虞

心源契乎孔孟魚躍與鳶飛共樂黃童偕白叟齊歡

臣俊

一介武臣四聲未辨管窺蠡測豈足仰重

夫

高深就日瞻雲不禁觀

光而踴躍嵩呼

萬歲聲應六合之歌詩獻七言喜同百獸之舞云爾

太平天子命長膺德徧垓垓萬國承六十元辰光始旦
八千寶曆日方升

聖躬行健乾符合

壽域宏開泰象徵春轉青陽迴斗柄網緼北極紫霞凝

其一

集成聖統學深純金鏡高懸億禩春超軼百王
傳

寶訓甄陶萬類入

洪鈞圖疇列覽通神契洙泗傳心味道真

德合古今隆建極苞符洽治景常新

其二

人樂雍熙有道年

身兼創守日乾乾

三朝謨烈心源在萬國尊親色養全
甲帳齋居懷櫛沐泰

壇虔禱為桑田

九重宵旰真無逸不用詩陳抑戒篇

其三

平平周道潤

恩膏蕩蕩堯封入

覆幬亥步應嫌瀛海小騫槎未覺漢津高
呼會見來

重趼華祝從今徧不毛
赫濯聲靈清八表

小臣

猶喜記

龍韜 其四

賜復蠲租億萬千
歡聲雷動自年年
三章謹飭

恩彌渥五聽精詳

志益虔禮洽百神呈
玉檢河浮五老授
瑤編吹幽響叶

雲璈奏擊壤耕歌慶普天

其五

萬年虎拜會

熙朝咨命從容整百僚

獨運乾綱周赤縣

高懸離照徹青霄寅恭入詠官方飭廉法垂箴

睿慮遙一德明良徵盛事賡揚倘許附簫韶

其六

聖世人文久道成龍髯鳳藻振青冥長庚已自臨奎宿

南極還看聚德星繡仗材官知嗜學花門侍子

盡橫經作人壽考傳歌徧惟願思皇翼

萬齡

其七

浩蕩

深仁暢八埏星雲糾縵自章天禽魚咸若乘時樂草木
爭榮向日妍五十二年

恩普徧百千萬載歷長綿九如稱祝瞻

皇極歲歲霞觴進

御筵

其八

萬壽詩

五言律四首

候 推 守 備臣陳天祚

鳳歷周花甲龍圖啟令辰
應期千載遇錫類萬方均
朱草敷

丹陛黃雲護

紫宸

君王長燕喜寰宇沐深仁

其一

運關貞符會天開

聖治昌寰區登壽域恭已在巖廊旭日堯尊啟薰風舜樂張呼嵩聲一概萬國仰

垂裳

其二

會逢開泰日時喜值東皇淑氣澄青瑣春膏溢
建章六宮歡獻嘏百辟肅稱觴處處康衢頌謳
歌化日長

其三

鶴算

皇圖茂龍飛

帝祚長真能六五帝從此四三王威烈超周漢雄規藐

宋唐小臣慙吉甫行李阻蠻鄉其四

萬壽詩七言律一首

原任廣東連陽營俸滿千總臣高日

魏巍

帝德大同天甲子籌添億萬年日燦五雲開鳳尾煙晴

雙闕裊龍涎瓊花琪樹傳仙仗火棗交梨集

御筵一曲九如環拜舞深承

雨露浩無邊

萬壽盛典初集卷一百五

欽定四庫全書

萬壽盛典初集卷一百六

歌頌四十六

舉貢諸臣一

萬壽表

舉

人

臣李長庚等

伏以

聖壽同天萬國獻升恒之頌

皇恩似海八紘賡卿旦之歌仰南極之星輝長與璣衡

竝運值西池之桃熟端知雨露旁敷天皇紀萬
八四千典冊於焉常炳歲度起三百六十花甲
從此初周易象則數畫一元洪範則壽先五福
此所以普天華祝大地嵩呼者也欽惟

皇帝陛下

超軼軼昊

駕舜賢堯

臻久道之化成域開仁壽

著允恭而光被世樂雍和

祥徵泰運之隆鳳在郊而麟在藪

瑞集昌期之盛魚有藻而鹿有苹魏魏蕩蕩以難名
皞皞熙熙而順則原夫虹流示慶篤生有道之
聖人瑤彩鍾祥保佑萬年之

天子聰明睿智合四德以立誠文武聖神統庶邦而建
極甲帳觀書之暇由洙泗以迄紫陽細旃染翰
之餘邁鍾王而超顏柳

巡行鑾輅春生翠鳳之旗

指授河漕波靜金牛之渚圖繪煙蓑雨笠如披月令幽
風搜羅邁軸考槃載詠菁莪棫樸時時解網善
教得民疊疊蠲租誠心保赤奮揚沙漠天河洗
紮塞之兵弭戢海疆夜月上朱厓之貢三百屬
聯常奏績秩然禮樂兵農千萬國黎庶騰懽赫
矣東西南朔是以宇宙之內沐

盛德而效來臣覆載之中被

仁風而歌壽考太和保合

垂衣裳於五十二年歷數綿長集共球於萬千億葉陽

春三月暖鼓融風

聖壽六旬光迎曉日預沛

恩綸而免賦不用瞻蒲望杏自然井養無方特從

壽域以開科頓教握槩懷鉛共喜書升有路黃童白叟

都為佺侶之仙燈樹花棚盡是蓬壺之境扶杖

者國老而無庶老咸曰多富多壽多男憲言者

上庠以及下庠第願如川如岡如阜民壽合成
帝壽人心即是天心況當雨暘時若之辰天不愛道而
地不愛寶益際運祚昇平之會川以增媚而山
以增輝臣等言愧無文情深釐祝獻芻蕘之一
得稔知

聖主久憐才望葑菲之無遺羣仰

大君能造命

輦轂懽呼之下謹罄葵忱星雲陳燦之間式瞻

楓陞摘仙果於長生之樹挹流霞於太液之池伏願
六合同春

萬年不老

道隨時泰絲綸潤滴金莖

壽與天齊仁義煉成丹顆歷算春秋之歲富有日新
無窮甲子之期久安長治臣等不勝踴躍懽忭
之至

萬壽詩

五言排律二十韻

舉

人臣李長庚

皇圖綿寶歷莫定此坤垠疊疊嵩呼壽遙遙嶽降神惠
風初應律淑氣正宜春是草中庭莢凡柯上古
椿朔桃紅似火安棗大如輪

鳳輦隨龍種鵠行列雁臣英才誠濟濟公姓果振振
閭闔千門曉鶯花三月辰蓮燈待奇士甘雨潤
良民徧學絃歌魯齊吹稼穡幽經綸抒

睿慮保定及

君身箕畢諳時節郊原愛比鄰
太平人見慣大有史書
頻堯則惟天大湯銘又日新

萬幾殊逸豫四庫乃紛綸

尊號升丹陛謙光出紫宸
道高心益下名者實之賓
侯甸要荒合禽魚草木均謳歌
通寤寐拜舞表尊親
親來自蓬瀛外梯航祝

聖人

萬壽詩

五言排律十首

舉

人臣陳大慶

紅日初生曙青陽正麗辰

萬年天子壽一統太平春
海嶽籌方紀義軒歷更新風
傳率土慶露浥普天均

丹陛千官擁金爐五色陳
願言隨鳳羽儀舞向

楓宸 其一

睿德同天運

昌齡與日長星辰環玉几
沆瀣引霞觴樂奏蕭韶永花

迎劍珮香祥麟遊在苑靈象舞成行蚤已神人
洽因之品類康萬方齊拜手長此奉

君王 其二

仰挹

文思聖誰窺

濬哲衷精微兼廣大履蹈悉中庸華渚虹流瑞圖書天
錫聰自然披閭奧無事訪崆峒直與乾行竝還
將離照同未央宮漏永萬古闢鴻蒙 其三

穆穆難名德

巍巍不顯謨八荒歌

帝力一氣鼓洪爐垂拱文明盛生成雨露濡

天章時煥發地道日昭蘇仙掌浮元氣祥雲捧瑞圖

九重金鑰啟振響雜嵩呼

其四

錦纜來方國文騶擁上京舟車何絡繹拜舞盡

聃彭往者時

巡幸羣然望旆旌天山指顧靜淮甸汎波平

神武豐碑紀

訐謨底績成坦途來頌禱貢賦有餘情

其五

黃道臨閭闔金泥降掖垣時聞

解澤沛更與

翼風溫祝網開三面蠲租下

九閭星辰稀貫索椒飴徧乾坤紅朽家家粟花封處處

村遙知千萬載飲啄是

君恩

其六

不夜昭雲漢長春滋植培千門紫鳳闕六典出
鴻裁恭領

王言渙欣逢

壽域開十年當虎拜兩榜萃龍媒徧下珊瑚網環稱漱
灑杯風雲隆際會

元首詠康哉

其七

水殿金鼇鎮

宸居爽氣澄時雍豐豫暇藝事藹騫騰日月

天文麗雲霞

膚藻蒸字真龍負出律與鳳鳴應不假人工代驚看
天縱能英風昭萬古金石可相勝

其八

自闢陰陽撰還披紀載文誰能髣髴日即是

聖明君我

后膺圖早乘乾保泰殷旰宵皆惕慮遠邇足氤氲靡事

陳無逸寧須戒倦勤賡歌與擊壤旦旦仰卿雲

其九

草莽何知識嬉遊共庶黎百生逢運泰

萬壽正天齊碧沼羅瓊液和鈴集介珪

皇風暄斗北紫氣滿關西壺溢金莖露封題玉檢泥卷

阿如有作載詠繼鳧鷖

其十

萬壽詩

七言律二首

舉

人臣葉王前

春雲霽黦繞

天閭花甲新周歲月長五十二年多雨露萬三千里集

冠裳花明珠樹蓬壺近煙靄金爐寶篆香此日
人文當

景運嵩呼動地綴鵷行 其一

浩浩恩波滙百川功成禮樂足三千九苞鳳翽
朝陽地四照花開不夜天曲奏雲璈看鶴舞風
和玉宇聽鶯遷升恒有象文明盛

壽域弘開霄漢邊 其二

萬壽詩 五言排律十首
有序

舉

人臣劉嵩齡

臣聞兩儀之大惟君兼天地生成之合五福之
一曰壽得乾坤清淑之全歲以衍而彌增業高
千聖者年高千聖嘏以純而永錫德冠百王者
齒冠百王敬陳三祝之詞恭效九如之詠欽惟
我

皇上

一人有慶

萬壽無疆道雖逸而勿休肅又哲謀統貫於歲月日時
之內心自強而不息剛健中正直超於元會運
世之前備茲

聖德之淵深獲此

帝心之眷注固已丹文綠字天頒不老之符金簡琅函地
出長生之錄矣乃猶

聖不自聖安益求安常存兢業之心永底郅隆之盛湛
湛九天膏雨即為益壽之醴泉葱葱萬里桑麻

盡是呈祥之芝草斯蓋唐虞而下未能多際之
昌期抑亦漢唐以來無由偶見其盛事者也乃
者昭陽建歲辰月當春計膺圖握寶之長則五
十已踰其二溯貫月流虹之始則六十正值其
全天皇之紀萬八千始基之矣封禪之代七十
二莫能及焉於是四海謳歌九州鼓舞指南山
而獻頌歡聲遙答夫舜琴斟北斗以稱觴喜氣
徧浮於堯酒天庥滋至幸值斯時物類咸亨欣

逢此日臣草茅賤士章句庸流家受

國恩疊畀一方之寄名登鄉榜久叨三物之榮茲因

代父以瞻

天敢不矢歌而祝

聖敬擬唐人聖壽無疆詞十章上呈

睿覽聽韶音之嘹唳願隨百獸以趨蹌仰魏闕之嵯峨

樂共九苞而抃舞云爾

道洽時逢泰人欣日麗中一元春浩蕩萬象早

昭融璿玉三辰合權衡八表同普天尊正朔大
地徧薰風已慶禎符應遙看淑氣通歡呼稱

聖壽直欲徹蒼穹

其一

帝德符元化

宸心契穆清壽從無逸得政以有恒成兢業膺多福憂

勤致太平功高原不宰道大轉難名寶儉常居

約存仁本好生海隅欣丕冒熙皞世咸亨

其二

地比恩膏厚天同歷數長和平皆道德豐稔即

禎祥化俗歸忠厚安人迪吉康登三歲在運畫
一自成章侯甸車書合梯航玉帛光風行兼日
出稱

壽盡來王 其三

典學周終始單心本緝熙鍾鏞諧律度金玉合
威儀綸出親揮翰經成自吐辭畀疇重夏禹畫
卦又包義語默爻兼象方圓矩共規

壽高由德劭天為作

君師 其四

解作千家雨升回萬國春
祥刑歌

帝德偃武頌

皇仁饑溺真由已痼瘼若在身
蠲租蕪下里貸賦恤窮民
戶有含飴叟衢多鼓腹人
從今祈

聖壽億載更如新 其五

詢岳同虞帝掄才闢四門
涉林求梓杞剖璞出瑤琨
霧變南山豹風搏北海鯢
有文同漢倬無

語不春溫羅入咸知德珠遺亦感恩作人逢

壽考聯袂祝天閭

其六

參贊謨猷合經綸宥密全以身兼作述惟道備
高堅心法傳欽允神功契廣淵勞常甘夏椿愜
欲解虞絃休恤籌千載艱難計萬年九州咸引
領祝壽願瞻

天

其七

朗日含王宇明星授帝圖堯階通閭苑禹室接

蓬壺瑞色龍樓綵晴光
貝闕珠卿雲分象緯和
氣鼓鴻爐不借三枝樹
寧須九節蒲萬年占

聖壽驗取泰階符

其八

御幄祥煙啟春旗湛露開
鳳從丹穴出麟自碧山來
座對千秋鑑筵陳

萬歲盃天中聽蕭鼓海上見樓臺
紫氣呈星象青雲映斗魁
歡聲傳合殿拜舞沸如雷

其九

金波明鶴禁玉宇接龍樓
物色三春麗

天齡六甲周時平瞻玉燭祚永奠金甌瑞露明初浥香
煙密欲浮元芝綿歲月碧樹歷春秋早識滄溟

外應增壽屋籌其十

萬壽詩

五言排律一百韻
有序

舉

人臣博山

伏思至誠首出定享遐齡大聖開天必臻耆壽
蓋惟天眷德於焉申錫無疆惟德動天固爾禎
祥誕集龍河兆瑞乘寶錄而運啟中天華渚呈

休握乾符而德隆上古黃雲覆蓋金匱壽添紫
電繞樞皇圖祿永稽之在昔則皆然考之於

今而益信伏惟我

皇上

仁義中和

神聖文武孺慕本乎至性色笑承歡禮儀篤於孝思

恭順將志仰

一人之至德仁讓成風生萬國之歡心惇庸化俗若乃

學兼六藝道貫三才默契一畫之先理精河洛
會通萬物之本體順陰陽集堯舜禹湯之大成
宏開道統晰孔孟程朱之秘奧洞啟心傳是以
崇禮素王標人道之歸極顯褒徽國定儒宗之
指南姬代前賢胥蒙

曠典宋家往哲竝被

隆恩况乃

臨朝聽政之暇即事觀書行鑒清道之餘手不釋卷博

極瑤編萬軸赤水珍流精融金簡千函丹溪韻
寫涵滄溟於墨浪日爛紅霞蹴衆有於詞壇花
翻白雪出經入史氣孕宮商屹雅揚風調鏗金
石況夫條貫精粗旁通理數啟霞莊而璿璣齊
政蟻磨迎衡披月館而寶厯授時蠶功順序坐
虬牀而括宇宙術密容成憑鶴几而運鈞陶法
精隸首以至六書獨步煙雲縹緲毫端八法相
生龍鳳盤拏腕下鵠綾捧去巍班傳作奇觀翠

錦收來甲第藏為寶玩於是雅化作人咸願策
名於翰墨闕門造士爭思奮跡於風雲花淹蘂
榜之期荆無棄璧名溢笋班之額海乏遺珠尤
以士貴力行學期知本著文戒飭

天語叮嚀勒石垂規

宸衷愷摯人文煥矣大德昭焉若夫六軍電激塵掃滇
黔七萃霆驅蕩平閩粵餘烈震於鼉室島嶼澄
清偏師指於蠻鄉渝徭底定旗翻豹尾風清瀚

海之波星落旄頭霧霽天山之月屬賓寔厥接
踵稱臣鐵勒呼韓歸心款塞爰乃告功

陵寢有事

郊壇篤敬凝承非徒鬱壘駢犧之薦追思繼述不僅馨香
幣帛之文三禮初成翠靄氤氲於

寶錄九韶誕奏仙音繚繞於天街於是華嶽發弓桃
林散甲風無破塊海不揚波渝舞狼歌爭來頌
德寶幃火毳咸樂輸誠海隅日出之鄉度索攀

藤而至沉毛反景之地梯山航海以朝獻土產
之恢奇旅獒白雉貢篚筐之靚麗蛟織龍琛舟
車所通盡稟皇輿之化霜露所墜不遺赤縣之
封蓋

文德如彼而

武功如此所謂筆不勝書史難盡載者也乃猶頻咨州
牧詢事考言日親廷臣觀風問俗詠豳風而慮
周田事讀無逸而念切民依輕徭之

紫詔頻頒薄賦之

丹書屢下驕陽火烈禱六事而霖雨應期瑞雪花飛慰

三農而

天顏有喜約槐衢之典沐浴春臺舒棘序之風嬉遊壽

域澤周貢舶遠人就日以抒懷羨減鰲征商竈

瞻雲而灑志功高排決迎神絃而鼉浪安瀾績

懋隨刊駐乾絡而鯨濤底定書屏察吏事事為

此羣黎發粟賑饑念念不忘衆庶寰中雨潤域

外風施夫賑恤一隅雖詩書所習見而租蠲萬
國豈開闢之曾聞河內河中衢歌巷舞遠西遼
左野忤塗吟魯柝聞邾神絲被野吳雲入越遺
穗棲田三秦饒板屋之歌八閩多茅簷之樂荆
楚之煙波成市吠犬宵恬梁益之茶笋饒資里
門夜闕山村野店開襟當解愠之風川飲谷居
披戶煦燭幽之日澤周動植化洽胎萌於焉卿
雲生嘉秀出千祥集百福登物阜民蕃乃天心

之眷顧歲和時序實

聖德之休徵玉磬金雞曷能媲美丹芝紫簾不足相誇
今也和風布暖麗日當陽南極輝煌北辰朗耀
九天闔闔開宮殿

聖壽無疆萬國衣冠拜冕旒

一人有慶椿齡正茂花甲方周太乙波晴錦簇仙桃萬
樹上林煙碧香搖紅杏千枝蘭坂晨趨酒浥青
城之綠鳳筵高列羹傳桂圃之香帝子鸞翔嵩

呼濟濟天孫鵲舉華祝蹌蹌玉葉金枝躋金門
而拜手駕班鷺序望貝闕而稱觴綺綴花懸快
覩臣民愛戴香飄霧縠欣瞻遠近謳吟臣草茅
賤士駑劣無知幸際

盛時恭逢

大慶既同士庶霑濡養育之恩願竭愚蚩祝禱
神明之德

華渚流星日姚墟啟

聖時九陔縈瑞靄三正曜光曦紫電臨雙闕黃雲幕九
達乾符標斗極寶錄奠坤維祿永申多益壽添
集慶宜無疆歌孔固廣運頌維祺久道成神化
鴻基擴遠規論功超舜禹比德邁黃義陟降誠
相洽凝承事克祇敬

天供鬱鬯尊

祖奉宗彝孺慕根天性仁

親篤孝思兩宮歡愛洽一體湛恩滋德業渾無間詩書念

在茲亶聰惟默契成務本生知直剖危微訓精
探爰象辭性天通秘密道法悉宗支闡奧宣前
烈傳心闢後疑孔門尊聖範朱氏表賢綦盛典
光璀璨璇題絢陸離

宸衷何亶亶

聖學益孳孳錦帙披芸閣瑤編映寶帷百厨羅玳瑁萬
軸積琉璃淹貫三才蘊宏通七畧奇淵涵克浩
博泉湧寫清漪吟詠賡歌賁文章謨誥垂行間

聞告戒宇裏見疇咨珠玉霞流燄珊瑚翠滿枝
望洋深莫擬觀海杳難窺誦讀時相勸觀摩俗
轉移熏陶兼貴賤砥礪及氓蚩赭赫文明盛聲
靈武畧施蜀鯨翻渤澥閩寇觸藩籬聿定殲渠
策爰興伐罪師公孫櫻斧鉞餘善仆鞭笞螺女
恬風浪蠶叢闢嶮巖三巴收脫兔百粵伏張鷟
島嶼胥柔輯關河盡撫綏連城忻擊壤比戶暢
彈絲德化儼風播威靈燿電馳方區爭效順醜

類敢相持蜂蠆針思逞蜣螂臂欲搯雪山飛羽
檄狼望指星旗球斧飄文豹

鑿輿駕赤螭令嚴申密訓軍入戒輕齎邀擊紆籌策成
擒決指揮崇朝清漠北永世靜邊陲德盛恢鴻
緒功高拓丕基瞻雲來大食就日走波斯貢遠
南溟外賓從北海涯輸誠由若木懷服抵崦嵫
王會圖難徧方輿記或遺謳吟同遠邇覆載準
高卑和氣同繁植仁風及動跂如天真蕩蕩保

泰倍攷攷論議親儒雅咨詢到碩耆問風開紫
閣講藝集丹墀優禮崇勲舊隆恩答鼎司操觚
登棧樸貫札課熊羆匡直先身率陶甄亟耳提
增科收拓落覆試振頽靡

恭已勤多務垂裳勵百為宵衣循著令旻日動如期庶
績時寧矣羣黎日念之女紅勞紡織農力恤耘
紓救弊恩常洽蠲租算不訾五聽寬酷急三刺
去偏私律轉春回谷刑輕澤潤脂醎征全減羨

關市薄收貲考績懲貪墨書屏杜蔽欺救荒荒
有備禱雨雨相隨井養知淪髓乾施覺切肌千
倉宣積貯四載繼胼胝故老承榮賚孤貧仰惠
慈羈臣咸寵錫貢舶亦酬資平壤旋遭饑呼韓
忽游饑漕輸全凍餒陸輓濟窮羸綜理時調燭
旁搜盡探驪乾坤齊玉律躔次準銅儀坤軸諧
周算宮懸叶密推九章窮肯綮八法析銖銒玳
管揮柔翰桃花展陟釐盤擎光的爍飛灑勢淋

漓一貫融今古多能罕等差管窺慙末技蟲測
愧蕪詞節序當春月天人介壽眉堯封當淑景
禹甸布雍熙長樂花添色恒春樹溢姿勾陳珠
影燦華蓋瑞光披輦路鋪瑤靄爐煙裊玉蕤寶
筵陳貝闕桂醕薦蓬池金穴呈瓊液天潢泛羽
卮龍樓趨望散鴛砌拜臯夔太史書靈莢儒林
詠赤芝期門環綺閣仙仗護文槐慶徧藍輿老
歡騰竹馬兒臣民嬉浩浩中外樂怡怡伏忖誠

如芥微忱竊比葵蟲鐫抒蜿蜿獸舞效傲傲願
繼崆峒祝興歌保定詩南山齊

聖壽北海頌鴻禧

萬壽無疆頌

集五經

舉

人臣吳麟

天地設位

聖人成能首出庶物南面而治天下克明俊德允執厥
中茂對時育萬物陳常于時夏養賢以及萬民

光天之下至于海表無此疆爾界罔不率俾各
得其所盛德大業弗可及也已大矣哉與天地
合其德故能彌綸天地之道天地之道恒久而
不已也惟

聖時憲德合無疆久于其道而天下化成古人有言如
山如阜如岡如陵固有之也求福不回受天百
祿蓋得其道矣茲蓋伏遇

皇帝陛下

允文允武

乃聖乃神保合太多歷年所

元吉在上海隅蒼生實受其福仰以觀于天文日月
星辰彰厥有常俯以察于地理草木鳥獸咸若
其於人也敷天之下五典克從以言乎遠

聲教訖于四海以言乎邇

好生之德洽于民心非天下之至神孰能如此乎夫
是以自天祐之以引以翼至于萬年永底蒸民

之生是謂

承天之祜下及兆民悅無疆故不知手之舞之足之
蹈之也茲惟癸巳春王三月旣望越翼日乙未
一人有慶四方來賀

聖人之道謙尊而光不自滿假施

命誥于四方行慶施惠康濟小民此之謂也是月也民
大和會式歌且舞以近

天子之光小大之臣虎拜稽首濟濟多士是用作歌嘉

言孔彰瞻望弗及于是道古以矢其音敢對揚
天子之休命北面再拜稽首乃歌曰

帝德廣運萬國咸寧各正性命品物流形九德咸事百
姓昭明廣大悉備天地和同

皇天眷佑降之百祥罄無不宜申錫無疆永孚于休以畜
萬邦萬邦惟懷稱彼兕觥又歌曰

皇王烝哉位乎天德莊敬日強乃見天則受命既固聿
懷多福

壽考維祺惠此中國無疆惟休

德音是茂羣黎百姓拜手稽首合敬同愛為此春酒自

今伊始

天子萬壽

萬壽詩

五言律一首

舉

人臣江發

萬國來同日山呼祝我

皇人瞻景運泰

天眷

帝齡長蕩蕩金甌固綿綿玉歷昌六旬方有慶

萬壽正無疆

萬壽詩

七言律一首

舉

人臣宋照

流虹繞電啟禎祥運協瑤圖寶歷昌萬國

恩膏承

異命

九重宵旰握

乾綱淳風已布寰區遠壽域還同日月長此際八荒齊

舞抃嵩呼聲裏祝無疆

萬壽詩五言律四首

舉

人臣徐陶璋

玉歷年周甲珠衡月建辰

一人膺上壽萬物荷陽春莖露霑仙杏巖雲護大椿生

成悠久澤錫福感洪鈞

其一

峻德超千古

鴻恩沛八方瞻依趨

玉闕稽拜獻瑤觴日映樓臺麗風和草木香普天開

壽域

聖世集嘉祥

其二

景物三春艷車書萬國同祥雲迎

帝輦淑氣繞

皇宮擊壤歌

欽定四庫全書

萬壽盛典初集
卷一百六

五

君德含哺祝歲豐

聖慈同大造八閩仰昭融

其三

旭日開

宮殿薰風拂

御筵春臺人皞皞淑景草芊芊士選鴛鴦侶文呈錦繡

篇光華賡復旦萬載荷陶甄

其四

萬壽詩

七言律三首
有序

舉

人臣邵元龍

欽惟

皇帝陛下

日月竝明

乾坤同久

握璇圖而御極清晏呈祥

調玉燭以乘時平成介福

具仁義禮智之全理生而知安而行仍不廢有為有

作有養有存之功允矣心符乾運

欽定四庫全書

萬壽盛典初集
卷一百六

三

集堯舜文武之大成動而正用而和適協乎母意母
必毋固毋我之量洵哉道接尼山蠲赦徧寰區
鼓腹者遊羲皇以上輿圖增式廓效貢者挾筐
篚而來

大德曰生已統千八百國而同登衽席

至仁必壽自合億萬斯年而長享康寧值甲子之初周
正春秋之方盛千官稽拜近看紅燎臨花萬姓
躋堂遥矚金爐傍日龍宮高紫極波雷北海共

稱觴鳳歷屆青陽春滿南山齊獻頌僚案記昇
平之盛繡帙千層詞臣進祝嘏之文瑤箋百幅
普天喜洽率土歡騰

臣仰荷

生成久蒙

教育望祥光於南極共慶壽添聆謠詠於西崑願申
華祝爰踴躍歡忭稽首頓首而獻詩曰

太平風景麗春陽瑞氣葱龍繞建章九有貢琛
歸福祉八荒稱

壽捧圭璋綵旗日照瞳瞳影

金殿爐縈細細香最喜

聖皇億萬壽十年一度進瑤觴

其一

福祿來臨日熾昌

聖人恭己正當陽政成宵旰施霖雨樂奏簫韶舞鳳凰

萬國共欣湯解網千官同拜舜垂裳會看大慰

蒼生望天上人間日月長

其二

皇躬建極本無私錫福黎民利濟施心統智仁參位育

道傳精一作

君師範圍造化經綸出剖析賢愚舉措宜萬物幸逢魏

蕩日同登壽域樂雍熙

其三

萬壽詩

七言律四首

舉

人臣汪守鏐

聖躬億載慶呼嵩六袞初升海日紅率土鸞毫歌

至德盈朝駕序頌

神功時逢有喜昇平久治到無為化育同此際萬邦人

仰首一星南極正天中 其一

三月蟠桃徧

暢春笙簫騰沸樂臣民樓臺夾路連

仙苑童叟摩肩覲

聖人百戲魚龍天半出三多歌曲道旁陳猗歟自古稀

聞事史筆編來紀載新 其二

衡岳雲開峙午方根源悠遠本無疆世登壽域

山河濶運闢中天日月長華渚昌期先浴佛慶

都嘉瑞正陶唐史書若比延綿算萬八千年駕

古皇 其三

萬里來朝不計程一時耄耄盡光榮女瞻

聖母頌華綺男拜金枝送玉觥野服袖聯鵷列坐杖頭香

結篆煙清相逢都是神仙侶今日蓬萊在

帝城 其四

萬壽詩 七言律二首

舉

人臣王奕仁

五雲爛熳鳳城春南極星光燭

紫宸率土臣民歡欲舞一天雨露浩無垠金樽應佐

西池果

玉殿長依上古椿從此萬年歌保定太平人共沐洪

鈞 其一

翠華曾駐泖峰間道左歡迎仰

聖顏壽域六旬開北極臣心萬載頌南山梯航重譯共
球集耆老欣隨鵷鷺班歌澤三春時雨降十年

一度祝區寰

其二

萬壽詩

七言律二首

舉

人臣陸翼

淑氣春融化日長

帝廷方獻紫霞觴
鶯花競麗東皇節

宮殿遙連南極光
海外梯航陳玉帛
寰中歌舞滿笙簧
太平玉燭人歡豫
天保年年祝

聖皇

其一

帝澤頻頒部屋傳昇平歲月更無前白頭共飫

皇家饌令節遙分

御府錢仙露不須承掌上薰風早已徹天邊臣民共有

雍熙樂虎拜惟期

壽萬年

其二

萬壽詩

七言律二首

舉

人臣徐江普

魏巍

帝闕五雲中

萬歲聲呼萬國同
日麗春陽升若木
星輝南極動薰風
垂裳直邁天皇歷
握紀從侔造化功
恒見泰階平
似砥年年歌頌達


宸聰其一

電繞虹流大地光
獨鍾

上聖越皇王
經文緯武通
三極出震乘
乾馭八荒
草莽得承天
漢澤衣冠新
染

御爐香

元辰集慶真無似拜手瑤京祝未央 其二



萬壽盛典初集卷一百六